

# 騎兵野外勤務下卷目錄

## 第一章 騎兵任務及其區別

第一節	主要之任務	二五七
第二節	獨立騎兵之任務及動作	二五八
第三節	師騎兵之任務及動作	二五八
第四節	所屬支隊騎兵之動作	二五九
第五節	騎兵搜索法	二五九
<b>第一章 搜索騎兵</b>		
第一節	各國軍騎兵之情態	二六〇
第二節	中國編成搜索騎兵法	二六七
其一	附屬獨立騎兵於各師之利害	二六八

其二 臨時編成軍之獨立騎兵之利害及方法……二六九

### 第三章 警戒騎兵

第一節 各國軍警戒騎兵之情態……二七三

第二節 警戒搜索之要旨……二七五

第三節 中國警戒騎兵之兵力及動作……二七六

第四節 警戒騎兵之連絡勤務……二七八

### 第四章 挺進騎兵

第一節 挺進騎兵之宗旨……二七九

第二節 挺進騎兵之兵力及編組……二七九

第三節 挺進騎兵之行動及警戒……二八〇

第四節 挺進騎兵之行軍……二八一

### 第五章 搜索及偵察

第一節	搜索與偵察之區別	二八四
第二節	偵察之必要	二八六
<b>第六章 威力搜索</b>		
第一節	諸兵連合威力搜索法	二八七
第二節	獨立騎兵威力搜索法	二八八
其一	通則	二八八
其二	擊破敵人時之搜索法	二九〇
其三	敵人騎兵勢優時之搜索法	二九一
其四	任威力搜索騎兵之兵力	二九一
其五	中國騎兵之用法	二九二
其六	行軍行程	二九二
<b>第七章 師騎兵之用法</b>		

第一節	通則	二九三
第二節	以師騎兵爲獨立騎兵或爲前衛騎兵之利害	二九三
第三節	警戒搜索之必要（併用獨立騎兵與前衛騎兵之理由）	二九七
第四節	師騎兵兵力之區分法	二九八
第五節	師獨立騎兵之動作	三〇一
其一	警戒區分	三〇一
其二	搜索正面	三〇二
其三	師騎兵與師本隊之距離	三〇三
其四	騎兵戰鬪	三〇三
其五	到敵陣時之處置	三〇五

其六 關於本隊開戰後使用騎兵法及應注意之事項：……………三〇六

第六節 前衛騎兵之勳作……………三〇六

## 第八章 遇戰時警戒騎兵須搜索之各件

第一節 行軍間應搜索之件……………三〇八

其一 敵兵前進否……………三〇八

其二 敵軍隊如何區分前進……………三〇九

其三 以後敵之行進遲速如何……………三〇九

第二節 開戰後應搜索之件……………三一〇

其一 敵軍展開情形如何……………三一〇

其二 敵軍展開後之情形如何……………三一〇

## 第九章 遇戰時警戒騎兵與本軍隊協同動作

第一節	行軍間之協同動作	三一一
第二節	開戰後之協同動作	三一二
第十章	偵探搜索	
第一節	偵探之種類	三二三
第二節	派遣遠距離偵探之時機	三二三
第三節	近距離各種偵探派遣時機	三一四
第四節	規定派遣偵探班數之要領	三一四
第五節	所給偵探長之訓令	三一五
第六節	偵探之方兵	三一七
其一	向遠隔地派遣時	三一七
其二	對陣時向敵陣後派遣時	三一七
其三	對陣時向敵側面派遣時	三一八

其四	派爲挺進隊之時	三二八
其五	一般普通之時	三二八
第七節	選拔偵探長及偵探兵之法	三一九
第八節	偵探應有之性能	三一九
第九節	偵探出發前之處置	三二〇
第十節	偵探輕裝方法	三二三
第十一節	偵探日記	三二四
第十二節	偵探長在行進中應指示部下各件	三二九
第十三節	偵探行進速度	三三〇
第十四節	偵探行進路	三三二
第十五節	關於搜索須留意各件	三三二
第十六節	偵探行軍警戒法	三三三

第十七節	偵探遇敵時之動作	三三九
第十八節	偵探於戰鬥時機須留意各件	三三九
第十九節	隱蔽運動之方法	三四〇
第二十節	偵探休憩及宿營地並其警戒	三四一
第二十一節	偵探於各種時機之搜索動作	三四三
其一	搜索偵探之動作	三四三
其二	追躡偵探之動作	三四四
其三	潛伏偵探之動作	三四五
其四	搜索敵人警戒線內偵探之動作	三四五
第二十二節	搜索障地敵人之方法	三四六
第二十三節	搜索行軍中敵人之方法	三四七
第二十四節	搜索敵情於宿營中之方法	三五一



第二十五節 關於計算敵人兵力須留意各件……………三五二

第二十六節 偵探歸還及報告……………三五三

## 第十一章 間接搜索法

第一節 間諜……………三五七

    其一 間諜最要之性質……………三五七

    其二 間諜之種類……………三五八

    其三 間諜之用法……………三五八

    其四 間諜之報告……………三六〇

第二節 捕虜投降人及敵人遺棄戰場傷者之訊問……………三六二

第三節 居民及行旅之訊問……………三六四

    其一 應訊問之各件……………三六五

其二 關於訊問應注意各件·····	三六五
第四節 書類之掠奪檢査·····	三六六

騎兵野外勤務下卷目錄終

# 騎兵野外勤務下卷

## 第一章 騎兵任務及其區別

### 第一節 主要之任務

凡大軍集中會戰之準備必需多數之時日與廣大之地區非詳察敵人之部署行爲則我軍計畫無所適從但欲搜索廣遠之地區且求確實之報告則非騎兵不可故騎兵猶一軍之耳目而搜索勤務爲其主要之任務焉

搜索勤務既爲騎兵之專任則任務繁而範圍廣故有以一騎兵而著偉績者官長更無論矣

在戰時最難者爲確探敵之實情倘一部之報告不確他之一部亦難保其爲真也故須以適當之判斷而窺破敵情爲緊要

## 第二節 獨立騎兵之任務及動作

搜索因敵人之遠近我軍之多寡地形之良否及騎兵之兵力等關係而勤務之範圍頗有差異在大部隊距離遠時搜索勤務通常由軍之騎兵旅或騎兵師等之大兵團任之而此騎兵通常有機關槍騎礮隊乘馬工兵隊又有時附步隊若干而遠在軍之前方行進運動自由不爲後方之軍隊所限制且在軍前面擴張騎幕以掩蔽我軍之運動

## 第三節 師騎兵之任務及動作

無論有無騎兵旅以上之大兵團各師更用所屬騎兵以任搜索勤務其搜索原則與大兵團無異惟動作範圍較小通常在不遠之地域（此距離之最小限在遇敵時能相應本隊所費之開進時刻）以直接警戒本師爲主故稱警戒騎兵於戰鬪間用各種方法以搜索警戒敵我兩軍側面預防敵人奇襲掩護我軍礮隊爲任務在大兵團之獨立

騎兵動作可以自由而師屬之警戒騎兵不可離開縱隊行進路之近傍若迫不得已須稍遠隔時至少須留一部隊於行進路（本道上）其遠隔之度總以師開戰之時不失機宜能得參與爲要

#### 第四節 所屬支隊騎兵之動作

所屬支隊騎兵之動作以師騎兵之動作爲原則

#### 第五節 騎兵搜索法

無論何種騎兵於直接搜索敵情以外須用種種適當之間接搜索爲要其搜索法分數種於左

##### 關於直接搜索者

一 威力搜索（或用獨立騎兵或用師騎兵）

##### 二 派遣偵探

關於間接搜索者（即補助之法）

一 詢問俘虜投降人奸細及土人等

二 檢查郵政(書信)電報及新聞報之記事

三 觀察關於軍事上徵候各件(詳於上卷第六章本卷不復贅述)

## 第二章 搜索騎兵(獨立騎兵)

### 第一節 各國軍騎兵之情況

現今各國騎兵之趨勢俱以大兵團壓倒敵人而能專制戰場爲第一之要務除所屬各師各軍團之警戒騎兵外並增設獨立騎兵師或獨立騎兵軍團擊攘敵騎兵主力向其內部搜索使我軍容易前進而報告騎兵之歸還亦得自由蓋搜索之結果須由報告到達之後始顯縱有良好報告非在適當之時機達於指揮官之處則毫無價值故現今各國騎兵一面增加集團之勢力一面精研馬術熟練劈刀雖一騎兵亦能有彈斷活用之智識

今將近代各國騎兵師軍騎兵師騎兵兵力及編制之概況列述如左

### 德國之騎兵

軍騎兵之制即由騎兵一師或數師(或騎兵一軍團)編成

騎兵師之制由騎兵三旅(每旅二團每團四連)機關槍連一連騎  
礮兵一營(三連)工兵一連信號連一連而成惟近衛軍團內所編  
之一師有四旅焉刀礮連數概與法國同臨時可編成騎兵師十一  
師

師騎兵團各由三連而成

計現有騎兵九十三團

續後備騎兵四十六團

各團通信勤務各用一連

德國騎兵無師騎兵及騎兵師之常制以全國九十三團編成騎兵旅  
每旅分爲二團每團分爲四連（攜帶兵器爲馬槍長矛軍刀）  
奧國之騎兵

軍騎兵之制由二團（計六連）編成臨時可編騎兵師六師直屬於  
軍司令官指揮

騎兵師之制與俄國編成同全國共有騎兵兵力如左

騎兵師 四

騎兵旅 一〇

計四十二團

師騎兵以三連而成

意國之騎兵

軍騎兵之制由一旅（計六連）編成其騎兵師團與奧國同騎兵師



之制師由二旅旅由二團團由五連編成刀手二千八百戰時可編成騎兵師三師

全國平時有騎兵二十九團每團編有機關槍一連（已編設者約有十五團）

### 法國之騎兵

軍騎兵之制由騎兵師一個乃至二個（師由騎兵二—三旅旅由二團團由五連編成）編成其第五連在戰時爲補充連其餘四連充戰隊至騎兵師團與奧國同

軍團騎兵共二十一團（現國內有二十一軍團除第六軍團隨騎兵二團第十九軍團不附騎兵外每軍團各附騎兵一團）

騎兵師之制師由二乃至三旅旅由二團團由五連編成

現國中其有騎兵八十一團（原來只有七十九團後加獵騎兵二

團故得上數)除以二十一團附屬于各軍團外所餘六十團以上六團編成一師共計十騎兵師

每師概由重騎中騎及輕騎各一旅而成刀數連數礮數計與俄國同

計全國平時兵力計八十九團駐非洲者十團

師騎兵以一連充之

### 英國之騎兵

軍騎兵之制待考

騎兵師之制師由二旅旅由三團團由四連編成計二十四連外機關槍六尊礮十二尊又機關礮六尊槍一千一百六十四枝

從前只有一騎兵師歐戰發生後在本國有三騎兵師在印度有二騎兵師

## 日本之騎兵

軍騎兵與騎兵師概無常制惟以應戰時之要需以騎兵旅酌派於各軍

現時有騎兵旅四旅旅由二團團由五連編成平時分隸於近衛師團及第一第八第十五各師團但各該師所屬之騎兵團則歸該騎兵旅長指揮故每騎兵旅有騎兵十三連

師屬騎兵不問近衛與線列每師屬騎兵一團每團騎兵三連計全國共有騎兵二十九團分爲百零三連（內師屬騎兵六十三連騎兵旅四十連）

日俄戰後有添練大騎兵團之議尙未實行

## 俄國之騎兵

軍團騎兵之制由一師（師由二旅旅二團團六連共二十四連）及

騎礮兵一營(十二尊)編成然除編成軍團騎兵外應戰時之必要更由二騎兵師編成騎兵軍團屬軍司令官指揮

騎兵師之制已如上述師由二旅旅由二團團由六連編成計連二十四刀數三千六百礮二連(十二尊)全國現共有騎兵師二十四師

獨立騎兵八旅

計一百二十二團(七百四十二連)

按調駐亞洲者九十二連

師騎兵無常制在需用時以哥薩克騎兵一連充之

按德國平時騎兵之編制以旅爲最大限於動員時則編成騎兵師或於全國九十三團中以一半爲師騎兵其他編成七八個騎兵師再編爲數個騎兵軍團又或編爲軍團以上之大騎兵集團獨立動作爲總

司令官之總前衛亦間有之

俄國騎兵平時編練成師在動員時則編成騎兵大集團遠去本軍數日行程開張騎幕庇護本軍而獨立運動此爲騎兵最近之使用法也要之上述各國之騎兵除日本現無騎兵師之制意國一師之刀數較少英國無刀數特附以長槍外其餘各國騎兵師均有刀數三千六百馱數十二不惟各軍能指揮獨立搜索而總司令官尙能掌握騎兵數師專從事於戰略上之大搜索是即現代列強騎兵用兵上之概觀也各國情況如此時加增改我國騎兵應如何研究以達其任務則如第二節所述

## 第二節 中國編成搜索騎兵法

現今作戰通常使用大軍（觀日俄戰爭及今日歐洲之大戰爭各國用兵不下數十萬或數百萬人）故在騎兵搜索上亦以一軍爲基準


非大集團不能適用我國平時編制無獨立騎兵之大兵團（獨立騎兵師）惟每師附騎兵一團而已現雖有獨立騎兵旅之編制不過略具基礎故在戰時若合數師爲軍時則用騎兵之法有二種研究如左

甲騎兵各團仍屬於各師作爲師之獨立搜索騎兵

乙合併各師之騎兵編成軍之獨立搜索騎兵

其一 附屬獨立騎兵於各師之利害


今將搜索騎兵專屬各師則軍司令官無直接指揮騎兵之利且須由各師報告之後始知敵情與地形則規定作戰計畫有費時刻及誤軍機之患故雖有經理給養之便而報告不免遲延設時當緊急遺害匪輕且如此編配每師至少應派四分之一至六分之一爲警戒騎兵其任獨立搜索者兵力既已微弱若距師前數日行程之遠不惟危險且達其任務亦甚難也（如左圖）



其二 臨時編成軍之獨立騎兵之利害及方法  
 臨時合併師內騎兵團編成軍之獨立騎兵(編成旅)時較前所述其

騎兵野外勤務

兵力爲厚乃有獨立搜索及戰鬪之能力由是可爲戰略上之搜索而軍司令即得早規定作戰計畫而無失機之患(如左圖)





中國北部多屬平坦開闊之地騎兵大集團之決戰衝鋒甚爲便利且土地寬廣非大集團騎兵不能搜索周密一有不慎則戰場爲敵人所制軍情爲敵人所偵故各國騎兵趨勢以大兵團距軍最遠之地搜索除決戰攻擊追擊掩護退却特別時機外不使參與本軍作戰既已探知敵人時仍復續行搜索遇敵人騎兵力求殲滅決死戰鬪勿待躊躇蓋騎兵戰勝我軍得專制戰場敵難窺我軍進止而我已預操勝券也

由是觀之我國騎兵當實戰時合併各師內騎兵團或獨立騎兵旅以編成軍之獨立騎兵大集團甚爲妥便且預想將來之交戰團及作戰區域皆宜如此編成始能適用然此不過只就戰時言之至平時編制亦宜增加旅以上之獨立騎兵團斯戰時兵力不至薄弱而各師尙可留直接警戒之騎兵也但警戒騎兵之兵力無須太大茲述一戰例於

左

一千八百七十年普法戰爭普軍除獨立騎兵以外每軍團附警戒騎兵一旅每獨立師附警戒騎兵一團此騎兵團常被本隊縛束搜索不克自由且當激戰時動作不便無參與決戰之利攷諸實例警戒騎兵受損傷者極少可確證也故今各國軍團及步兵師之騎兵減少而增加軍獨立騎兵之兵力在平時即有獨立騎兵之編制焉

按此理由及各國軍制與最近鄰邦兵備則我國在平時宜編制獨立騎兵旅或更編制騎兵師爲首要今姑就臨時編成獨立騎兵團之法而研究之(如左圖)


(注意)在各國軍騎兵一團由三至六連而成其兵力以連爲單位也

### 第三章 警戒騎兵(前衛騎兵)


### 第一節 各國軍警戒騎兵之情況

西洋諸強國大概除獨立騎兵大集團外又有任警戒搜索之騎兵卽軍團騎兵及師騎兵是也通常每軍團附屬輕騎兵一旅每獨立步兵師附屬輕騎兵一團近年又減少此項兵力而增加軍之獨立騎兵之兵力焉(如左圖)

### 第一俄國軍團



### 第二法國軍團



軍之前方常有獨立騎兵師或騎兵軍團要無庸顧慮後方而傾注全力於搜索敵情可也故軍團騎兵與師騎兵對於敵人以掩蔽我本軍之運動爲要

### 第三德國軍團

合各師之騎兵團  
編成軍團騎兵 (六連)



### 第二節 警戒搜索之要旨

警戒搜索之宗旨以不使本軍被不意之敵襲且能休養本軍而增加戰鬥力爲一般之原則故步兵在野戰時有騎兵在前方數十里之處

竭力搜索因知宿營地無有危險乃能決定可否放心休眠例如已知敵人現尙遠隔則知必無敵襲之患也夫戰役間作戰之時日極少而駐止休養之時日最多（例如日俄戰爭一年有半戰鬪之時日每月惟有一回其他之時日專爲軍隊之休養）昔名將謂休養軍隊之術難於戰鬪誠爲金石之言現在之前衛前哨等猶有用極多兵員之弊要之使軍至於日暮於周圍四十里以內確知無敵之步兵即可安然休眠其餘僅能防敵人偵探奸細等足矣故警戒以搜索爲第一要義不必多用兵力布置梯形

### 第三節 中國警戒騎兵之兵力及動作

按中國現在之軍制割取師騎兵之大部臨時編成軍之獨立搜索騎兵但所屬師之警戒騎兵之兵力果以若干爲適當按地形與狀況究不能一定然至少必以六分之一任之夫在前方獨立搜索之騎兵不

能顧慮各師之警戒各師欲安然休息必各有警戒騎兵搜索前方四十里以內爲要欲達此任務騎兵六分之一之兵力似覺微弱然獨立騎兵之兵力亦不能減少且今日各國之用兵上卽一連兵力亦必行其任務中國自不可不勉力爲之故任警戒之騎兵對於敵人大騎兵團須避戰鬪專任偵探偵察之事而其主力則爲偵探支援隊若遇優勢強大之敵自有後續步兵部隊援助故以避戰鬪爲通常之法若在夜間除派緊要偵探外悉歸步兵前哨線內爲要然觀一千八百七十年普法之役普軍騎兵盡力於警戒搜索故士卒常能靜穩休眠戰鬪之力充溢行軍之力增加一日之速度可達五十里之多（三十啓羅密達）至若法軍之騎兵欠協同動作步隊與騎兵各自警戒騎兵不勉力搜索步兵自行偵察警戒疲勞已甚其行軍速度一日不到二十五里（十五啓羅密達）幾不及德軍速度之半故全軍之集中遲滯戰

鬪之力量減少其宿營地屢被普軍騎兵之襲擊徒勞警急集合至陷於不可言之悲境

騎兵雖以掩蔽我軍運動爲一般之原則然以我國土地如此之廣而騎兵兵力又如此之少似覺困難故須力求擴充否則欲掩蔽我軍之運動務必不能達其主要之搜索任務故就目前情況而論當以搜索爲主而以掩蔽爲第二之任務也

#### 第四節 警戒騎兵之連絡勤務

任警戒搜索之師騎兵不可不保持各軍並各部隊間相互之連絡當決戰時大軍能集合於一地者以連絡確實爲主而現今各國皆用大軍戰鬪則連絡勤務尤爲重要也師騎兵於連絡勤務其關係重大如此我國之騎兵現對於外國軍之騎兵旅或團雖祇極小之兵力亦必勉力擔負此重任故平素之訓練處應深注意焉



## 第四章 挺進騎兵

### 第一節 挺進騎兵之宗旨

挺進騎兵者即別働隊之一種歐西諸強國於戰時以適宜之計畫而運用者其宗旨專在妨害敵人務使其難以振作也茲舉其大要如左

- 一 妨害其兵站線上運輸事務或燒燬其倉庫工廠或阻害其徵集物資俾敵軍無從接濟爲要

- 二 妨害其通信機關使敵人作戰計畫不克迅速實施

- 三 擾亂敵陣背後以阻其追擊或向將退之敵而搔擾之以牽制其運動

- 四 脅威敵之後方連絡線以牽制其野戰軍之兵力俾分用於後方
- 五 蒐集最重要之詳報

### 第二節 挺進騎兵之兵力及編組

挺進騎兵之兵力及編組按任務而規定之若目的僅在騷擾敵人之後方者則一排以下之偵探羣即優爲之如欲其與全體作戰上大有影響則一連以下之兵力似爲太弱按諸最近戰役此種兵力至少須在一團以上爲適當

挺進騎兵宜附以新式機關槍及最新發明之簡單輕礮以增其獨立能力其他種火器不與騎兵速率相等者不宜攜帶如破壞材料之爆發罐等雖爲不可少之物然妨害運動亦未便多帶宜按乘馬工兵辦法特別教育使騎兵一部分專任其事至於後方之接濟尤當因時制宜用特別輸送法(如用自働車或輕便之馬車等)爲要

### 第三節 挺進騎兵之行動及警戒

挺進騎兵之動作雖與尋常騎兵無甚差異苟不量力背道而馳非惟難以制勝且轉失騎兵之性能故當未發之先宜貯蓄馬匹能力以備

乘機竊發時得以逞其能力而操勝算

挺進騎兵若遠適異域懸軍深入時於警戒上尤當加意處置毋使敵人發見我軍兵力而於駐軍間務用間諜以免危害是爲至要

士民若含有敵意欲加害於我或將我情形密報敵軍時與挺進騎兵之行動關係頗鉅宜小心警備之且當此危急之際尤應施以欺詐手段爲要即如我軍行進方向宗旨兵力欲使士民無從判斷可假裝敵兵行進以欺之又凡出入宿營地或通過村落時須向與我真正行進方向相異之處前進或暫分數支由各方向前來或聲言兵力雄厚尙有後續部隊行將來到等法是也

#### 第四節 挺進騎兵之行軍

挺進騎兵之行軍以詭秘爲貴蓋免敵人或士民察知我之兵力行動而早爲之備是以出發宜在日暮（難以辯別人面時）抵宿營地宜在

拂曉而於敵境附近尤當加倍注意故夜行軍爲挺進騎兵潛行運動最適用之良法其應注意之件如左

一行進時可成一縱隊而不留部隊間之距離且務令各兵緊隨部隊行動爲要

二任直接警戒之尖兵宜令其在近距離內如有一定道路且交通方便亦可酌量擴充並增加連絡兵及派遣側方之警戒兵爲要

三休息時間不宜過長否則兵卒之精神懈怠易爲睡魔所困故休息時間宜短而次數宜多則疲勞自減又凡在休息間宜嚴禁士兵離隊

四在敵地行進之際宜保持靜肅務擇柔軟地方並將拍車軍刀等各纏布類以免聲響聒耳致被敵覺

五在嚴冬冷冽時不可作長時間之騎乘因手足最易凝凍而失感

覺宜行牽馬運動法冀保存人馬之體溫爲要但牽馬行進其時間宜暫而不可久恐足部發汗一旦冰結便生凍瘡是以牽乘兩者宜適當配合

六行經無地圖之地域時每日可令土民指示詳細方位與地境等而後編纂情報調製略圖以定我之行進目標與行進路

七月夜行軍最爲暢快且可以行動自如增加速率

八月夜行軍之連絡可令尖兵纏白布爲標號若於暗夜之中仍以暗號連絡爲宜

挺進騎兵之宗旨及動作既如上述要之欲其顯著成效務宜先知敵狀以爲自己之準備而且地形平坦給養方便可復得土民之援助者誠足爲成功良好之機會若我國北部土地廣大最利騎兵之運動而運用挺進騎兵之方法是宜極力講求俾擴張其能力以克盡其任務

故茲述之以備研究

## 第五章 搜索及偵探

### 第一節 搜索與偵察之區別

搜索可分二種於左

甲探知敵人之兵種兵力地位及動作

乙探知戰場之地形及物資

甲種謂之搜索乙種特稱之爲偵察

凡於敵情之不知者設法探明謂之搜索已知敵在某地再詳探敵情此皆搜索之範圍凡關於影響作戰者設法探明謂之偵察如探知山川道路鐵路村莊樹林橋梁陣地及調查某地軍需品等悉屬於偵察之範圍然此兩種勤務常相連繫而不可離何則任搜索之官長偵探雖以搜索敵情爲要務若遇關於我軍將來作戰之地形等亦應留心

偵察又任偵察之官長偵探雖以偵察地形爲要務然遭見敵人卽應搜索敵情此皆騎兵官長附帶之責任普通之義務也但盡附帶責任之時不可忘其重要之本務雖搜索與偵察有密切之關係似不必強爲區分然其方法手段自有差異此在平素之教育並研究上區分明晰實施之時服務者容易領會其重要任務且下命令之時其語辭必須單簡明瞭今舉例於左以示區別

(例) 一某偵探應將高陽方向搜索

(例) 二前衛經過石家橋板橋向高陽搜索前進

(例) 三獨立騎兵應將在高陽之敵情搜索

右項語詞以搜索敵情爲主要任務

(例) 一某偵探應將由劉神廟仙人橋之間河川偵察

(例) 二某偵探應將由保定經過高陽任邱至大城之道路偵察

(例)三某偵探應將高陽之物資偵察

右項語詞以偵察地形爲主要任務

受領此命令者要按搜索與偵察之命令語辭而判斷其主要任務爲  
要

第二節 偵察之必要

現在各國文明進步各處均有詳細地圖凡山川道路橋梁障地並村莊之大小物資有無多寡按圖查閱無不明瞭故規定行軍計畫及宿營計畫自然容易而其騎兵之搜索勤務祇以規定軍之戰鬪計畫爲主即一意搜索敵情足矣我國無地圖之處甚多即有之亦欠詳密欲知地形與物資之情況非實行偵察不能規定行軍與宿營之計畫故我國騎兵官長於研究搜索勤務之時當同時研究偵察之勤務是爲至要(關於偵察勤務之各件詳後章)



## 第六章 威力搜索

威力搜索按照宗旨及方法可分兩種即諸兵種連合威力搜索法與獨立騎兵威力搜索法是也

### 第一節 諸兵連合威力搜索法

敵我相對僅知敵人陣地至其主力之方向預備隊之地位及兵力之優劣等皆未詳悉又敵之陣地前方有河流水田斷絕地等之障礙騎探不能搜索即主用礮兵及騎兵向敵陣地射擊使其不得已而展開藉此可以搜索敵之布置及其陣地之詳細情形且有用强大步兵以行威力搜索者但觀其結果若能有於本戰即速行開戰若敵人勢優則即避戰方爲妙策此乃威力搜索之功用也惟戰鬪既開自不能任意中止縱於我有不利亦不可退避故無他種方法以行搜索之特須十分準備戰鬪之後方可用之蓋其實施方法係屬於戰鬪法也

## 第二節 獨立騎兵威力搜索法

### 其一 通則

用獨立騎兵集團之威力擊破敵人之騎探網（偵探幕）及騎兵然後搜索其內部此乃騎兵之專任故必須盡其全力爲要

一軍之前方有獨立集團騎兵獨立動作偵探敵狀兼用騎幕庇護我軍此現今普通作戰之法也故彼我之騎兵初次相與衝突若能擊破其騎幕則搜索其內部之易自不待言故從事於威力搜索之騎兵常集合最大之兵力於緊要時機衝突敵人以期達其衝突之勝算與敵人相距愈近則愈宜集結其兵力此爲作戰之要訣但騎兵中嘗有從事於搜索勤務者愈近接敵人則搜索愈緊要而兵力亦愈爲分散此亦難避之事要之威力搜索之主旨在先撲滅敵之騎兵是爲用兵上之通則

集團騎兵在本道行進派部隊或偵探於岐路之上從事搜索爲敵我普通之方法顧衝突敵騎兵之主力必在道路之近旁故除派遣遠方之獨立官長偵探外其前衛側衛支援偵探隊等必須在敵我衝突之時竭力歸還本隊爲要

集結兵力於本道則岐路之搜索難完全且恐敵人騎探等由此侵入我騎幕之內是亦不可不顧慮之事惟我騎兵主力倘能擊破敵騎主力之後即追擊該敵到其本軍之地域則戰場全屬我騎兵之領土俾敵騎探不能歸還本隊即其所得報告亦不能按時達於本軍故無價值也

察知接近敵人騎兵主力之時騎兵隊長應即集結兵力於掌握準備妥當以期不失襲擊之機會爲要

騎兵原以勢力爲第一武器故當彼此衝突之時雖兵力有多少之分

要以先取攻勢爲利，如敵不能確知我兵力與不熟知地形而躊躇未及，拔刀時我騎兵隊長如能機敏果斷，決行衝突，是勢力已占優勝，則敵必膽寒矣。

騎兵之動作常被地形地物所限制，故馬術尤須精熟。我國北方土地開闢，騎兵之動作自易。若騎兵大集團在不便動作之地，則不能占優勝之勢力。假令騎兵前方有溝濠或土堤等，則不得不迂迴前進。此雖指揮官有卓越之識量，亦不能自由指揮而得乘機襲擊之利。此時我之騎兵如能勇猛超越，則使敵常在受動之地位，縱敵兵占有優勢，亦退處於劣敗地位也。

### 其二 擊破敵人時之搜索法

擊破敵之騎兵主力時，即以主力窮追，使敵騎兵無回戰之力。此時宜多派偵探於各方，以詳探其內部爲要。騎兵隊長應將所得之情報急

速送於收領者以增其報告之價值

### 其三 敵人騎兵勢優時之搜索法

欲擊敵之騎兵而其勢甚優者行襲擊恐有失敗之虞卽利用地形以拘束敵人騎兵於一地或誘致他方此時多派偵探搜索敵情而偵探長所得之情報不必送於騎兵長卽直報告於高等指揮官爲要否則不惟徒費時刻且有被敵人妨害之虞

### 其四 任威力搜索騎兵之兵力

任威力搜索騎兵之兵力以能有獨立力爲要倘僅以一排上下之兵力任前方極遠之獨立搜索則兵力實嫌其弱不惟難以維持其獨立力且不易達其搜索宗旨苟欲維持其獨立力俾能盡其任務其兵力至少亦必在一團以上故各國從事獨立威力搜索之騎兵概用大兵團（旅以上）尤使騎礮隊連合以增加其勢力爲要

其五 中國騎兵之用法

中國現無獨立騎兵大兵團及騎礮隊之設置故騎兵之兵力甚微縱集結各師騎兵以編成騎兵大兵團而兵力仍不能與各國抗衡若與各國戰鬥時不可不用如左之方法以補其不足

一用陸路礮臨時屬於騎兵

二多用機關槍隊屬於騎兵

三用乘(馬)車步兵屬於騎兵

欲補我兵力之不足舍此實無良法若有良好之騎兵隊長與騎兵亦可以寡敵衆故騎兵官長宜竭力研究戰術熟練馬術爲要

其六 行軍行程

騎兵行軍雖宜迅速總以不失戰鬥之能力爲要故其行程應按兵數之多少而定如威力搜索之騎兵其兵力有一旅內外者通常連續行

進約日行六十啓羅密達（約百里）獨立偵探約日行八十啓羅密達（約百二十餘里）尙能保存其戰鬪力也

## 第七章 師騎兵之用法

### 第一節 通則

凡搜索之周密於警戒一事尤爲緊要縱有騎兵旅在前方須使其所屬兵之大部分常進至前衛之前方爲要蓋如此部署則無臨時調派之弊全隊能安穩休息且能整齊行進毫無阻礙之虞是時該騎兵如屬前衛卽謂之前衛騎兵如隸於本隊指揮官卽謂之獨立騎兵是爲常法

### 第二節 以師騎兵爲獨立騎兵或爲前衛騎兵之利害

與敵相距甚遠且其蹤跡不明時騎兵務須迅速前進以搜索廣大地域然欲達此宗旨以獨立用之爲要蓋獨立騎兵直隸於本隊指揮官

則運動自不由受後方部隊之拘束而本隊指揮官常用之以爲耳目查覈其所得情報速爲處斷若前衛騎兵則受轄於前衛司令官徒有遲滯報告時機及遺誤戰事之虞故是時宜用以爲獨立騎兵但我軍與敵軍愈接近騎兵動作之區域亦愈狹小勢必至騎兵先行接戰步兵前衛繼之是時之形勢全與前述不同故宜用以爲前衛騎兵總而言之距敵尙遠騎兵利於獨立以其搜索範圍較能廣大故也距敵既近騎兵利附前衛以其搜索範圍漸變狹小故也

步兵師之前方因有獨立騎兵師或旅與否並按距敵之遠近所用師騎兵之方法不同圖示於左

第一距敵遠前方有騎兵師時

敵人 騎兵師或旅 師獨立騎兵 騎尖兵 尖前 前衛 本隊 本隊 師本隊



敵人


師獨立騎兵 騎步兵

步兵

前隊

前衛本隊

本隊



34

備  
考  
第二距敵遠前方無騎兵師時  
點練矢標示報告之統系(下仿此)




33

第三距敵稍遠前方無騎兵師時

騎兵野外勤務


二九五

敵人 師獨立騎兵 前衛騎兵 尖兵 前衛本隊 本隊



第四距敵稍近前方有騎兵師時

敵人 騎兵師或旅 師前衛騎兵 尖兵 前衛本隊 前衛本隊 前衛本隊



第五距敵近前方無騎兵師時

敵人 師前衛騎兵 尖兵 前衛本隊 本隊



第三節 警戒搜索之必要 (併用獨立騎兵與前衛騎兵之理由)

在距敵近時應特別警戒而警戒部隊之任務專為我全隊防禦敵之奇襲俾本隊指揮官得下必要之命令並得有實行命令之時刻此時除行遠距離之搜索外即附近地方亦須嚴行警戒

若僅設搜索騎兵(獨立騎兵)而不設警戒騎兵(前衛騎兵)則遠距離之各情報雖可得而知之然縱隊周圍之警戒頗欠完全假令是時我搜索騎兵被敵騎擊退或敵兵迂回而來或我騎兵擬達某宗旨離

我縱隊之正面向敵人正面或側面行動則我步隊前衛易被敵人急襲且敵人之偵探等亦容易接近我之縱隊故爲預防此危險起見除搜索之獨立騎兵外更當用直接警戒之前衛騎兵也

#### 第四節 師騎兵兵力之區分法

用師騎兵法已如上節所述其兵力區分應有一定之原則即在距敵遠時則爲縱隊直接警戒以若干騎兵付諸前衛將他之主力歸縱隊長之直轄派遣遠方以從事獨立搜索迨至近距離時則以騎兵全隊屬諸前衛司令官受前衛步隊之支援以任搜索警戒之事

爲行搜索及警戒其區分騎兵法按兵數地形及應庇護縱隊之大小以及縱隊係孤立或在外翼或在中間行進等之情形而異茲將在普通形勢之下師孤立動作時舉例於左

#### 第一距敵遠時



第二距敵近時

約7—8師前衛騎兵

騎兵全隊

約1—8


所屬側衛或側支隊之騎兵  
縱隊司令官之傳事騎兵

距敵近時師騎兵兵力區分之一例

側支隊之前衛騎兵

尖前衛  
隊本衛前


側支隊本隊




第五節 師獨立騎兵之動作

其一 警戒區分

師騎兵團行獨立動作前須先派警戒部隊確實搜索以免意外之虞其警戒區分宜以全隊三分之一至四分之一為前衛其餘則聚合一處是為良法如敵騎勢優恐不能敵則須自始避戰臨機應便動作神速以行偵探搜索之法為要茲將警戒行軍圖式概示於左





如在地形陰蔽搜索困難等時騎兵隊長務須多派偵探任附近之搜索以防敵人不意之襲擊為要但此時騎兵本隊若與敵騎遭遇衝突則除遠派獨立偵探外其餘派遣之部隊應歸本隊以參加戰鬥為要

其二 搜索正面

騎兵之搜索正面按地形險易道路多少及此騎兵掩護縱隊之兵數



等而有差異當作戰時其縱隊前方固應嚴密搜索而兩側之地尤不可忽距離本隊愈遠則側方應搜索之地亦愈廣若在縱隊與他隊連繫行進時則唯搜索前方與一側即可矣

### 其三 師騎兵與師本隊之距離

師騎兵與師本隊之距離按地形與敵情不能一定但相距愈遠則得敵情愈速故至少以在一日行程（以步隊為準）以上之距離行進爲要

### 其四 騎兵戰鬪

歐洲各國以騎兵師或騎兵軍團爲獨立騎兵遠在大軍之前方獨立以任戰略上之搜索而於其後方更置騎兵旅隸諸軍團以任警戒上之搜索其獨立騎兵師毫不顧慮後方惟傾注全力以從事搜索而騎兵旅只對於敵人掩蔽我軍之運動是其兵力大任務專故從事戰鬪

自屬易易今按我國獨立騎兵旅及各師之騎兵團計之設一旦與外國軍隊對抗雖編成臨時獨立騎兵團尙恐兵力之不足也

現今火器進步敵人如有精銳火器之步礮隊欲使我騎兵獨立奮鬪實難獲完全之勝利故騎兵之任務以與敵騎兵戰鬪爲主而其與他兵種交戰者則在特別之時機如行退却掩護或追擊或遇有良好機會或兩軍勝敗瞬息將決之時是也若就平坦規正之操場徒論各兵種戰鬪力之優劣則誤矣

騎兵之任務在搜索而非在戰鬪平時之教育訓練敵我相同兵力亦無甲乙則由外部以搜索敵之內部洵爲難事卽我偵探能侵入敵之騎幕其歸途尤爲危險而報告之達到本隊亦甚困難故欲得確實報告並使其安全迅速到達本隊必先擊破敵軍騎幕及其騎兵然敵軍騎兵與我有同一之希望故常惹起一大會戰而彼此之勝負卽於此

瞬間其爲關係實非淺鮮至其關於威力搜索法最宜注意之件載在第五章獨立騎兵團威力搜索篇參照可也關於騎兵戰鬪最宜注意各國編制於前方有騎兵師又於其後方有騎兵旅有騎兵團層層排列備設搜索隊與警戒隊縱一時前方騎兵師不幸被敵擊破而後方尙有旅團等隊不至全失軍之耳目按今中國軍隊唯有師騎兵與獨立騎兵旅如該騎兵旅團等一旦交戰不利則軍之耳目全失故爲騎兵隊長者必須臨時應機詳細判斷或犧牲騎兵或保全之比較其利害得失以期無舛誤之處置爲要

#### 其五 到敵陣時之處置

我騎兵已到敵陣與敵人衝突時固不能與步隊對抗但必須搜索敵人陣地之正面及兩翼將其確實情報迅速送諸縱隊指揮官並須同時掩護前衛之運動派遣多數偵探極力搜索其正面兩翼以及內部

最爲緊要蓋一偵探所報告敵情未必確實敵人諸隊之運動瞬息不同其企圖甚難推測故必收集多數偵探之報告方可據爲判斷之材料

其六 關於本隊開戰後使用騎兵法其應注意之事項  
我縱隊已到開始戰鬪之際騎兵宜於兩側搜索警戒以掩護本軍但分散甚遠有總司令官指揮不逮之患故於戰場之左右如無用騎兵之地寧收在預備隊中猶優於分散在遠處其動作參照第七第八章

#### 第六節 前衛騎兵之動作

任縱隊直接警戒之騎兵在獨立騎兵之後方決不可與後方步隊失聯絡但其距離之度不必拘定蓋騎兵於行進之際縱取緩慢之步度猶速於步隊故兩者之距離往往漸次延伸若徒欲保持一定距離於

騎兵之步度強加拘束勢必至馬匹大形疲憊是時騎兵宜取自然速度並限少時刻屢次併用快步其距離如格外延伸則行少許休息待其短縮即再行進是爲常法（此際距離延伸數里之遠亦無妨也）警戒騎兵不可開放本軍行進路之正面於前章詳述之而於前衛騎兵尤爲然也但此件雖派遣前方之獨立騎兵亦宜遵守（在獨立騎兵團遠距大軍專任戰略上之搜索與師獨立騎兵全異學者勿混同之）

蓋直接警戒騎兵與搜索騎兵其動作不同在警戒騎兵若開放其正面則後方無復任掩護者不可不知

敵我騎兵俱勉由側面搜索敵情於正面相衝突時即欲將主力迂回於側面是屬常有之事但於迂回搜索時不用主力俾偵探侵入敵之內部及側面而主力駐在本道是爲至當否則唯欲迂回關於後方部

隊及報告之傳達路漫不留意縱能得適當報告亦不能致諸本部指揮官我之正面暴露於敵反俾其確查我情形甚爲不利也

### 第八章 遇戰時警戒騎兵須搜索之各件

騎兵常行搜索臨機稟報情形於總司令官以資預定作戰計畫俾我軍戰鬥有利可爲盡其職分矣然此勤務重要且極艱險不可不沉勇詳慎今分其搜索爲二（一）我軍由拔隊迄開戰爲行軍時間（二）由開戰迄戰終爲開戰後之時間此兩時間搜索之要件以能資騎兵指揮官之搜索計畫爲要

#### 第一節 行軍間應搜索之件

##### 其一 敵兵前進否

- 一 如敵前進其主力由何道路
- 二 其隊頭何時將抵何處判定其遭遇地點與時機

其二 敵軍隊如何區分前進

一以數縱隊分進其各縱隊兵力並進路如何

二各縱隊連繫情形如何

三如爲一縱隊其梯隊區分及前衛兵力如何有無瞰隊及前衛與本隊距離如何

四瞰兵於本隊內位置如何

據此可判定我軍展開能否佔先制之利也

其三 以後敵之行進遲速如何

一敵行進之速度猶依舊否

二爲休止或遭障礙有遲滯否

三或用特種方法急速行進

四或由中途區分縱隊

五是否縮短梯隊距離

據此可判定我軍預期遇戰地點及敵軍先制之行進能否連續也

第二節 開戰後應搜索之件

其一 敵軍展開情形如何

- 一 彼我前衛隊頭方遭遇時敵全軍成路縱隊否
- 二 一部隊已展開其他猶成路縱隊否
- 三 本隊運動或有遲滯其前衛是否孤立
- 四 本隊已展開否
- 五 敵向何處開進及開進已完畢否
- 六 敵隊展開其兵力幾何且佈置何處
- 七 敵隊情形如何(如已進陣地或方在行進間其陣地在何處)
- 八 敵主力運動在何處



據此可判定本軍展開法也

其二 敵軍展開後之情形如何

一 敵預備隊位置及移動方法配備之變換其他破兵陣地之變換及其進退情形如何

二 如有增援隊約在幾點鐘後可到戰地

據此可判定我戰鬪實行之時機及方法也

## 第九章 遇戰時警戒騎兵與本軍協同動作

騎兵不惟擔任搜索及偵察勤務且宜與本軍協同動作欺騙敵人或用陽擊以俾敵勞累或用乘馬襲擊及徒步戰以俾敵行軍遲滯藉使我軍之戰鬪有利爲要其協同動作之時期概分爲二卽行軍間與開戰後也

### 第一節 行軍間之協同動作

本軍預期之遇戰地騎兵須先敵佔領以防阻敵人行進其方法如左

一當敵來攻宜行襲擊或徒步戰奮爲戰鬪以抵制之

二用徒步戰俾其誤認爲我步兵來攻使彼展開以延其時

三向敵行軍縱隊側面急擊或掩襲以使敵礮隊擾亂爲要

四道路宜設攔阻(例如橫倒樹木破壞橋梁或放火等是也)

### 第二節 開戰後之協同動作

一爲速定總指揮官之決心及我軍戰鬪展開起見騎兵先探視預  
期遇戰地繪具偵察略圖呈報總指揮官且速探我礮兵應據陣  
地及其進路俾我軍展開便捷

二導引總指揮官於高闊之地以便總攬全般情況

三竭力警戒俾他部隊不被敵襲而於礮兵猶然

四敵情變化及附近地形宜通報關繫部隊

五敵將佔先制之利時則須不顧損傷以行攻擊例如敵礮兵先我放列卽襲擊以壓倒之又敵步兵已展開卽急襲以擾亂之是也  
六特派官長補助總指揮官傳達命令

## 第十章 偵探搜索

### 第一節 偵探之種類

偵探按任務分爲二種曰遠距離偵探（或曰獨立偵探）曰近距離偵探（或曰警戒偵探）是也又按其等級分爲三種

一官長偵探 二軍士偵探 三偵探

遠距離偵探通常用官長偵探近距離偵探雖混用三種然主用第二種  
第三種之偵探

### 第二節 派遣遠距離偵探之時機

派遣遠距離偵探之時機通常如左

一 欲搜索在遠隔地之敵情時

二 永久在一地對陣之際欲確探敵人後方情況時

三 與敵對陣之際向無固定警戒線側面搜索前進時

四 遠向敵人後方行挺進而欲妨害或脅威其背後連絡線時

第三節 近距離各種偵探派遣時機

近距離偵探即警戒偵探以預防不意之敵襲於本隊近旁之地區所派遣者其各種偵探之任務詳上卷第五章

第四節 規定派遣偵探班數之要領

偵探班數須按如左各件而規定之

一 搜索正面之寬

二 通敵方道路之數

三 搜索勤務所用之騎兵兵力

在任務重要之時將同一任務之偵探相繼派二三班爲要

### 第五節 所給偵探長之訓令

遠距離偵探距本軍數日行程之處獨立行動不惟難於收領每日之命令當戰時事機百變若必俟命令傳達則多費時刻且其間情狀變遷發令者難以預定故須委諸受令者就所處之情形應機獨斷即在出發前通常給以訓令

凡下訓令非僅舉事之宗旨尤須將心所期望者詳細告之俾受令者知我之旨意所在得以領會任事雖其任務與其派遣之宗旨不同然所示之大要如左

#### 一 敵軍情況

#### 二 我軍之情況

#### 三 偵探所屬部隊運動之計畫（例如師或支隊戰鬥計畫或騎兵

本隊搜索計畫等)

四偵探之主要任務及發令者之希望

五偵探一般之行進方向或行動之地域

六任務終結大概之時刻

七應送報告之地位或方向其送到方法及關於定期報告之指示

八比隣偵探之情況及任務

九格外附與之權力(例如不得已時獨斷破壞至要之交通線等)

十任務達到後之處置

但在給訓令時關於偵探勤務普通之規則無須指示例如左記各件

一任搜索敵情之偵探亦偵察地形之事

二互相連繫之事

觸三與敵接之事

## 第六節 偵探之兵力

偵探之兵力因其任務種類及情況而不一定開例於左

### 其一 向遠隔地派遣時

偵探之兵力宜少因易潛行且易避險若爲擊退敵人或按搜索時限之長短並報告數之多寡或須遞騎傳達者其人數可增爲一連緣兵力强大方可久立於敵人近旁但須注意如左各件

小偵探以選拔人馬編成故比大偵探達其宗旨迅速且鮮被敵之注意又容易獲得糧食如過增加小偵探之數則騎兵之戰鬥力減少但大偵探有擊破敵人小偵探及能行戰鬥蒐集情報之利

### 其二 對陣時向敵陣後派遣時

此時須向敵人固定騎幕及遊動騎幕並警戒線內潛行或在敵陣地內或在敵陣背後徘徊故此偵探之兵力格外減少以四至六騎編成

爲要

其三 對陣時向敵側面派遣時

此時按搜索時日之長短及預想報告之數而定

其四 派爲挺進隊之時

此時所用騎兵之兵力因當時之情況而異（參照第四章挺進騎兵）

其五 一般普通之時

偵探之兵力按任務及情況應有各種變化然偵探專以潛行爲主用威力時甚稀其兵力不可過多然在普通之時以如左兵員編成之

偵探長一名 偵探四至十二騎（約一班）

偵探長或用官長或用軍士用官長則普通在偵探中加軍士一至二名當官長有事故艱難之時俾能替代辦理或遞傳緊要報告若在危險少時向近距離所派之偵探不惟減少兵力於四名以下並不用軍



士亦可但在其他之時須選拔精明之軍士附屬其中

### 第七節 選拔偵探長及偵探兵之法

選拔偵探長之人材須由獨立騎兵或前衛騎兵全員中選擇爲善蓋偵探長得人雖兵數寡少而價值甚大在戰時騎兵有搜索敵情及偵察地形之任務其成功莫不借偵探之力故爲騎兵官長者均須奮勵研究爲騎兵隊長者須選拔偵探長又須選擇騎兵蓋其行動迅速得由遠處接近大部敵人雖在危險困難時亦可奏莫大之功效其偵探士兵必須按任務之輕重敵人之遠近危險之大小等由偵探長之部下選擇爲要

### 第八節 偵探應有之性能

官長爲偵探長應具備如左之性能

須馬術精熟且有良馬

二須精通戰法有遇事能斷之才

三熟悉地圖且能速作略圖及報告

四能默記地形

五精通用電報電話法

六熟練野外工作（即用爆藥破毀鐵路橋梁電信等及稍行築設補修工作等）

七通敵國之言語且知敵軍之編制戰法服裝等事

八習知馬匹之疾病及救急法蹄鐵術

偵探應有之性能詳上卷第五章

第九節 偵探出發前之處置

獨立偵探長在出發前應處置各件如左

一知騎兵本隊及本軍之宗旨並我任務須復誦之

二所受任務中如有不明之條項自應請問縱一極小疑點亦勿置之不問

三發令者若不告示將來之企圖則須自己問明

四按照已知敵我情況卽爲情況判斷以定搜索計畫

五按任務規定行進計畫卽在地圖上概定行進路休止點及步度

配合而標記之

六在地圖上預定遇見敵人時應避方向及在其方向標記容易展望之點

七概算遇見敵人騎兵及步兵隊之地點

八如我本軍行軍時則概算我騎兵本隊及本軍在每點鐘應到達之地點及到達緊要地點之時刻都在地圖上標記之

九概定報告道路

十應將自己並部下馬匹詳細檢查如有嘶鳴警愕狂奔之癖者縱係強壯亦不令偕行

十一檢查部下人馬之武裝馬裝（武器預備糧餉在此內）及格外應攜帶之物件是否整齊又攜帶規定以外之物件與否

十二發給子彈爆發罐破壞器具攜帶電話器

十三應將敵情我騎兵及本軍之宗旨偵探之兵力任務及偵探在地圖上研究事項之大要告示部下

十四規定記號以便連絡即小笛帽子軍刀等之記號是也

（注意）

除特別緊要時外於所給偵探長之命令中無須規定偵探行進道路致拘束其動作爲要然偵探長應按所受任務自己預定行進道路其道路以最便捷且能潛行爲善

偵探須常知後方情況爲要然偵探與本隊或本軍難保不斷連絡故在出發之際應質問發令者以後之企圖或按一般命令之主旨以記將來本軍之動作爲緊要即如前第八款所示應將本軍出發地點（及其側方近旁）及出發時刻及在每點鐘到達地點標記圖上則偵探出發後若干點鐘欲知本軍之所在一看地圖與表即能了解且將發報告時應向何地位派傳事兵自無歧誤

關於任務之條項不只問其未明之件且須問事後之企圖至若無益之事或無關於任務者均不准質問以致有妨軍紀

發令者宜不待偵探之質問即告知此等事於部下偵探應攜帶物件詳上卷第五章

#### 第十節 偵探輕裝方法

向遠大距離所派之緊要偵探宜輕減其裝具爲要然能否輕減何物

不能預定

騎兵戰時之武裝馬裝皆人馬不可缺者故須按照地方之情況季候並任務之難易等而將臨時省略物件規定爲妥但無論何時不得省略制服軍刀及人馬携帶之糧餉

馬術巧熟之騎兵縱令不省略武裝馬裝而能注意於騎乘方法亦可以輕減馬匹負擔之量故偵探在長途騎行間須注意愛護馬匹切勿取怠慢之姿勢

第十一節 偵探日記

偵探長須記載偵探日記其要項開列於左

任務

- 二出發及到達時刻各時機停止地位
- 三在途中所遭遇之敵人地形及其他之障礙應有如何之處置

四所發稟報之摘要其時刻號數傳事兵姓名並所告示之道路及速度

五偵探長之姓名及偵探員數

六格外携行物件或輕減物件

此外偵探之實施事件無論鉅細均須隨時單簡記載而記載日記決不可虛度時刻每任務完畢則日記亦即編畢爲要偵探日記之利如左

一在送到報告後以便再編纂詳報

二偵探歸還後以便詳密說述實歷之件

三能檢查報告之錯誤遲到傳事兵之勤怠等

四能表示偵探長動作之良否而供將來之參考

偵探日記之紙未先製定亦可應用報告紙或用普通草本及手簿之

紙片

偵探日記用紙及記載樣式如左

偵探日記		所授		任務		格外攜帶物件		格外省略物件		月日	
探		在保定府出發		向河間前進搜索敵情		携帶通信器一件		何物		午前 午後	
日		偵探官		偵探員數						點分	
記		姓名		上士一 兵十						服務記事	
		官長偵探長 排長 姓名								附記	



十	十五	前	十二	十三	〇	同地出發	
十	十五	前	十二	十三	〇	在某村馬匹一頭有病該村無馬則俾待本隊來到歸隊	上等兵某人 留置
十	十五	前	十二	十三	〇	在某村南端休止十分鐘	
十	十五	前	十二	十三	〇	偵探擊退該敵續行前任務 路一直回去報告	上等兵李某
十	十五	前	十二	十三	〇	偵探擊退該敵續行前任務 路一直回去報告	傳事兵
十	十五	前	十二	十三	〇	偵探擊退該敵續行前任務 路一直回去報告	
十	十五	前	十二	十三	〇	偵探擊退該敵續行前任務 路一直回去報告	
十	十五	前	十二	十三	〇	偵探擊退該敵續行前任務 路一直回去報告	
十	十五	前	十二	十三	〇	偵探擊退該敵續行前任務 路一直回去報告	
十	十五	前	十二	十三	〇	偵探擊退該敵續行前任務 路一直回去報告	

”	十	” ”
”	十五	” ”
		” 後
三	一	○ ○
三	十	罕 三
何：	何：	<p>遇見敵騎兵在某地搜索其兵力在某地記載報告第三號報告</p> <p>午後○三十分鐘敵人騎兵約一團到達某村南端尙向我續進其後方無敵騎兵（速度十十）</p> <p>俾傳事兵經過某村及某村到某村附近送報告於騎兵隊長繪單簡畧圖指示距離方向</p>

''	''	''	''	''
''	''	共	''	''
前	前	前	''	''
十	何	何	六	五
三	何	何	十	學
五	何	何	何	五
在	何	何	何	何
某	何	何	何	何
村	何	何	何	何
歸	何	何	何	何
本	何	何	何	何
隊	何	何	何	何
即	何	何	何	何
報	何	何	何	何
告	何	何	何	何
如	何	何	何	何
左	何	何	何	何
何	何	何	何	何
何	何	何	何	何

(完)

第十二節 偵探長在行進中應指示部下各件

偵探長須在行進中將如左各件指示部下爲要

一傳騎在行進中遇有著名之地區及地物當其歸報時可以爲目標者必須隨時指示記憶卽城池集鎮村落河川等名目是也故

騎兵野外勤務

在前進時宜常停步回顧以看地形之景况爲要

二敵情之變化

三我本隊並本軍到著緊要地點之時刻及現在之地位

四他偵探之行進方向

五河川渡河點之地位（徒涉場或橋梁）

六在出發前所不能下之命令於途中示之

第十三節 偵探行進速度

偵探欲迅速達成任務則以進退果敢動作敏捷爲要故人馬苟能超越之障礙則超越之視河川險阻如在平地黑夜風雨一如平日迅速騎行於長距離而其行進速度按照敵情地形以不失時機達成任務爲度是時通常併用慢步快步應顧馬力不至疲勞至跑步惟在危急之際或遞傳緊要報告時用之

偵探行進之速度通常每點鐘約行八啓羅密達（約十三里）爲定例  
一日行進至少八十啓羅密達（約一百二十餘里）猶有送到報告之  
餘力爲要

在格外時或翌日無連續任務每點鐘用八啓羅密達至十二啓羅密達（  
約二十里）之速度連續行進至一百二十啓羅密達（約二百里）且  
可爲搜索偵察之動作

但行進速度及距離遠近須按馬力規定凡步度配合妥當則馬匹自  
免疲勞且能行長距離（常用速度詳上卷第五章）應用如何速度須  
在出發前據地圖以概定之不拘泥各步度之一爲善但在預定時間  
須能通過全距離到達目的地之地點而尚有餘力並能行戰鬥動作爲  
要

偵探搜索各種地形法詳上卷第五章

#### 第十四節 偵探行進路

偵探按照地圖應將最近方向（捷路）選擇定妥且能蔭蔽行進爲要故須躲避大道在住民地繞過之其應選者如谷地凹地凹道及森林等處

選擇妥當之蔭蔽道路迅速達到目的點爲偵探長之責任宜注意研究且偵探於預定道路上行進或成羣或分數羣若遇開闊地用快步迅速通過到蔭蔽地用慢步或停止因步度快慢而馬匹得以恢復呼吸故有遇敵之虞與易被敵見之地位時常用此法

#### 第十五節 關於搜索須留意各件

偵探之搜索不必拘一定法式當由偵探長隨機處置惟須留意各件如左

一爲搜索敵情活用自己之敏捷耳目較優於使用部下之多數耳

目故以不多派搜兵或常在排頭爲善

二除爲預防不意危害必要之外而偵探警戒自己爲第二義迅速達成搜索宗旨爲第一義

三偵探通常以探知敵人主力並達其企圖爲宗旨如欲探見敵人騎探即爲第二義也


四確實報告迅速報於本隊指揮官

#### 第十六節 偵探行軍警戒法

有預防不意危害之宗旨派遣搜兵偵探於進路之前方或欲搜索一地區有更派小偵探者此普通偵探之法也然由實驗則所派搜兵或小偵探常有誤道路迷方向或妄行戰鬥以害本任務者並有行進遲緩等害故偵探所派之搜兵數及進行方法須按偵探兵力多寡及地形天候時刻等由偵探長定之其應注意各件如左

一不派搜兵行進而欲保不被敵人急襲並不受伏兵之害則偵探全員應異常勞力

二搜兵之數過多或向遠方派遣則有反被敵發覺之害故向進路前方所派之搜兵當距偵探羣在一百密達以內搜兵若派一名俾專視察前方在二名以上俾視察右方或左方(如左圖)  
矢標係示注意視察之方向








偵探長常在前方以便指揮搜兵與偵探羣而常使兵一名跟隨  
 偵探長須令後方偵探羣注視左右前後各方向但示所注視區域於  
 各兵而自己視察各方向以行進爲安全偵探時常嚴肅警戒則能減  
 少其搜兵之數且短縮其距離如夜間濃霧天候陰惡等時或多蔭蔽  
 地密林並沼澤中之隘路行進均宜嚴肅警戒  
 夜間行進隊形（如左圖）

五至十密道


45



搜兵携帶輕便燈(電燈或疊燈)爲便  
在蔭蔽地行進隊形(如左圖)




在開闊地如得展望遠距離時偵探派一兵任搜兵或不派亦可  
其隊形(如左圖)



偵探在行進中逐次選定便宜展望之地點務必蔭蔽行進茲舉一例  
(如左圖)

偵探在甲高地上暫時停止展望前方且向乙高地派搜兵一名  
被敵偵探等妨害逐次向後方迂回之式

騎兵野外勤務



在蔭蔽地之搜兵互相分離行進但不可失其連絡又各種蔭蔽物及地物在偵探羣進入前須使搜兵偵察或更派搜兵亦可

#### 第十七節 偵探在遇敵時之動作

偵探於未到所命地點或未達宗旨之時遭遇敵人則不可不避衝突若不得已勢難迴避須留意如左各件

##### 一 襲擊敵人

二 應將敵人偵探或哨兵包圍均捕獲之

三 勿追擊或窮追退却之敵人但可在蔭蔽地或斷絕地詐追若干

距離然後留若干騎兵全偵探羣向側方迴避以晦蹤跡爲利

四 遇見優勢敵人終難迴避之時則偵探長告示集合點以分散之

#### 第十八節 偵探於戰鬪時機須留意各件

戰鬪本非偵探之主要宗旨故人員務必減少且盡力躲避敵人騎探

等而潛匿行進爲要然在不得已時亦有不能避戰者雖其兵力單少而在必要之時亦決然行襲擊格鬪爲要

必要之時機須由偵探長判斷然偵探在決定之時又應顧慮如左各件

一偵探以搜索爲主

二須用全力以達其宗旨

三爲迴避戰鬪起見應用何法悉聽偵探長之指揮但於任務之進行不准遲滯時機

在實戰時騎兵恒以勢力爲一武器並不顧慮刀槍之多寡故偵探長將各種情況（敵情及時機等）酌量即斷定應戰與否爲要

#### 第十九節 隱蔽運動之方法

偵探隱蔽運動以晦其所在地位及運動之形迹爲最要其須留意者

如左

一利用馬力運動敏捷不長停止於一地與再經過同一之道路又盡力迴避住民地

二利用土民引導作爲虛僞之風說以欺敵人俾不能知我企圖

三在敵人近旁行進如蛇行狀

五迴避遭見土人

五擬宿營時在某地餵馬向某方某距離間行進再忽然變換方向轉到預定宿營地

第二十節 偵探休憩及宿營地並其警戒

有休憩宿營及餵馬之目的須選蔭蔽地或無人之處停止惟在冬天或天氣險惡時在所距大道之獨立房屋或小村莊亦可停止但須留意如左

一 據實驗偵探之被敵捕獲在野外甚寡而在市府村莊內甚多  
二 有觸接敵人之宗旨若在一地方長日滯留之時每日須變換其  
地位

三 宿營時與晝間須異地位

偵探宿營時以預防不意之危害爲要其法如左

一 在夜間任用警戒至少有全員三分之一使在外者互相休憩

二 警戒兵須徒步攜帶馬槍在休憩者之旁選擇妥當地位集合亦

互相行動監視近旁要點

三 在敵襲時雖兵員至少亦亟宜抵抗以掩護休憩兵

四 在敵襲時偵探長及休息兵萬勿戰鬪惟速乘馬退去爲良策

以寡少之偵探不能望其完全警戒故須善自潛匿在敵國市府村莊  
之近旁不准休宿若住民有敵意時尤須格外防避即在本國亦宜避



居民衆多之地以人雖無惡意然有偵知機密之害偵探常勞累過度故在休宿時須使人馬舍營以期恢復銳氣爲要蓋最惡之舍營亦勝於最良之露營也

由是觀之偵探休宿地在警戒上宜避村莊市府在休養上宜住房屋故通常選擇原野之孤廟或獨立房屋或森林內之假房則可完以上之兩要求然在此等房屋內如有居民必拘束之萬勿向他方使役偵探長既將各件斟酌決定警戒與休養方法無論舍營與露營決不可忘如左之要件

偵探休宿地以能向諸方向乘馬動作自由爲要凡在圍墻內沼澤內或獨立房屋周圍有溝渠者皆宜避之

## 第二十一節 偵探於各種時機之搜索動作

### 其一 搜索偵探之動作

有搜索敵情之宗旨所派偵探用前述方法直接搜索外要用以下方法即佔領郵政局電報局火車站巡警局知事署及檢查所查看其文書等類以探得敵情又尋問住民官吏商人及業搬運者以知道路及敵情（參照第十章）

其二 追躡偵探之動作

有追躡監視敵人之宗旨所派偵探須利用地物隱匿潛行並盡力夜間移動奮力監視敵人爲要縱被敵人發覺擊退尙未達自己任務時須謀在其他地位與敵觸接若在不能搜得情報時即用如左方法

一用伏兵捕獲住民及敵人偵探

二向敵人前哨線內潛行捕獲哨兵而尋問之

三伏於地上以耳力聽取音響窺敵動靜

四依颯風方向可以察知敵人所在地方及運動之徵候

### 其三 潛伏偵探之動作

潛伏偵探(設伏展望行進敵軍或捕獲敵探等)應選擇如左地位

一在蔭蔽地之前端或高地而能展望敵人行軍之處

二在蔭蔽地內敵探兵從各方向進入之處

### 其四 搜索敵人警戒線內偵探之動作

有擊攘敵人探兵及哨兵之宗旨所派偵探應潛近於目的點出敵不意以行襲擊或先用牽制運動俾敵之前哨擾亂而後襲擊

但在以上襲擊之時應注意如左

一為散亂之騎兵預先指示集合點

二襲擊時向前哨線內侵入者須偵察其背後之情況為要但須預

給諭示

三如捕獲敵人速致之於預定地位

## 第二十二節 搜索陣地敵人之方法

在搜索配備戰鬪中之敵人時須探知如左各件

一 陣地正面之方向

二 陣地兩翼

三 在第一線步兵及礮兵之地位

四 預備隊之地位

五 能得近接地位(即陣地弱點)

搜索敵軍戰鬪配備之情況而與步礮兵協力用威力搜索前章已述

其他能得近接地位可用偵探搜索者須繪敵軍佈置略圖

騎兵隊長有搜索敵陣配備之任務必先近接敵陣派若干偵探復在

蔭蔽地收容至若應用威力擊破敵人前進偵探及前哨線必須派遣

偵探之班數如左

一向敵陣兩翼各一班

二向敵兵一班

三向預備隊一班

四向正面一班

五偵察地形偵探若干班

### 第二十三節 搜索行軍中敵人之方法

在敵人行軍中時須探知如左各件

一 行進之方向及進路時刻地位

二 縱隊之兵力及其編成

三 行軍隊形警戒隊之區分法并各隊間之距離及砲隊之位置

欲探知以上敵情不惟查看其警戒隊（前衛後衛側衛等）

搜索其主力又必向敵警戒隊之線內潛入爲要其法如左

一如遇見敵人騎兵須潛伏於一地區內俾敵經過或自己向敵翼後繞進同時稟報騎兵隊長


二如遇敵人步隊亦必在進路之側方適當距離處潛伏（距離過近則被敵捕獲過遠則不能窺視）以計算敵人兵力

三如無適當潛伏地區或被敵警戒隊擊破時須再向敵人後方繞進以續行搜索動作


四如搜索退却中之敵軍必利用馬之速力繞過其掩護隊而忽現出於主力之側面

五如不能潛伏於一地窺視敵人之兵力須迂回出沒於各處以察其所不能實視之敵情或依徵候以判斷之茲將關於敵人兵力位置及其企圖徵候等圖示於左

騎兵野外勤務



騎兵野外勤務





## 第二十四節 索搜敵情於宿營中之方法

敵人在宿營時須探知如左各件

一 宿營地位

二 宿營地寬狹及縱長

三 兵種

四 兵力

五 警戒法及警戒嚴否

搜索宿營地之次序如左

一向正面哨兵線前進

二向前哨兩翼端搜索前進可據此判斷其本軍之露營地

三迂回哨兵線向前哨內部及其本軍宿營地搜索前進

四如不能迂回時須隱匿入於前哨線內

五如不能潛入時即襲擊哨兵而突入但襲擊此哨兵須按情況與兵力行之且偵探長須動作敏捷按第二十一節其四所述襲擊法而突入之

### 第二十五節 關於計算敵人兵力須留意各件

偵探發見敵人而計算其兵力及偵察其所佔陣地以判斷其形狀及界限即爲任務然難於確探而易於誤謬何也在平時演習各人確信無身受之危害故精神安穩其視力亦常正確在戰時各人斷難如此苟依經驗算定其兵力常有過多之弊况愈與敵接近或被敵發見或受敵彈擊皆所不免而此偵探報告稍有錯誤則關係於全軍之命脈（如偵探報告中稍有虛報則俾軍司令官誤判敵情遂即誤其指揮運用以致招全軍敗滅之事亦有之）故爲偵探長者縱遇危境（地位時機）仍宜沉靜熟慮以期視力之正確又敵人在森林中及陰蔽

開闢互相交錯之地行進時若由遠方或側面目擊最難確實易生視力錯誤之弊將展開後之敵人由其正面目擊或被地物蔭蔽之陣地就敵人兵力之大體推測又於佔據一地現在對我放槍中之敵兵判斷皆往往失於過多是爲常例故須注意（計算兵力之法詳上卷第五章）

## 第二十六節 偵探歸還及報告

凡任偵察之偵探於任務終後卽歸還報告而任搜索之偵探則反是耳一遇敵人不可失其觸接本書前已詳述蓋雖偵探自悉敵情然他人非收到報告後則不知敵情如是偵探長惟以與敵觸接而查看其動作猶爲未足務求報告能適時送到於指揮官若用傳事騎兵或用他方法送達報告尙難確實之時依然續行觸接敵人此時亦無寸効故偵探長宜帶領全員歸還親報爲要

但偵探欲與敵觸接或放棄之宜將歸報之好時機詳審判斷爲要故偵探長須按各般情況深思熟慮其例如左

一目下我軍之情況如何

二目下指揮官所希望之報告如何

三由今歸報可充其希望與否

四由今歸還能減受敵之危害與否

五由今歸還能推測敵軍嗣後之企圖與否

六黃昏啓程而夜間運動以便於潛行然夜間在道路外行進頗難

而在道路上之敵人又常警戒嚴密不便歸報

七欲便於歸報須於天明前若干點鐘在僅辨識物色之時啓程迅

速由敵近旁離脫爲要蓋利用敵哨兵等徹夜疲勞未全恢復之

時易得脫離警戒至嚴之地故也

八欲推測敵軍嗣後之企圖可按其宿營及警戒方法即能察知其概略也

以上各件不過示其凡例在戰時情況變化無窮實不能準據一定方式故偵探長須有臨機妥當判斷之能力爲要至避敵人騎兵或偵探而更侵入其內部之後則我後方不免有敵之騎兵此時動作尤必加倍警戒且送報告非特別注意則其到達頗難此時偵探長盡力躲避道路前進屢行向後轉指示目標於部下士兵俾能記憶爲要（其目標由各方面能望見者爲妥）何也傳事兵或偵探長在歸還時爲避危險而能盡力於道路外通過可以認得方向也

偵探歸還時須留意各件如左

一歸路取與前進不同之道路以能保護偵探平安及得搜索地域擴大之利益

二在歸還時必須通過之隘路於前進時置看守兵或潛伏偵探以備敵人佔領俾可隨即稟報又若偵探長接到此報告則取用別路以歸還或於日暮後襲擊敵人以通過

偵探長歸還後用口述或筆記務迅速稟報毋多費時倘能呈偵探日記尤妙其應報告各件如左

一所受任務之大概

二偵探動作

三在各時機所搜得之情況

四每次所送到報告之大概

五人馬之損傷

六部下之功勳

## 第十一章 間接搜索法

間接搜索法亦分爲數種如左

一用間諜（奸細）

二俘虜投降者遺棄戰場敵人傷兵之訊問

三居民及行旅之訊問

四文書之掠奪檢查

五徵候之判斷

### 第一節 間諜

間諜者即常人或變裝之軍人潛入敵地或敵陣以爲我軍蒐集緊要情報者也

其一 間諜最要之性質

一富於詭計狡智

二有干冒危險之勇氣

三往復徘徊不爲敵人所嫌疑者（例如裝作車夫僧道行旅商人等）

其二 間諜之種類

間諜概分爲數種如左

一 因圖利慾而任之者

二 因愛國心自奮任之者

三 因抱怨於敵國自願任之者

四 因企圖在兩軍獲酬金爲彼我二軍之間諜者即所稱反間或複

間諜者

五 恐嚇威迫人民以俾爲間諜者

其三 間諜之用法

用間諜法須具微妙匠心變化而運用之也茲舉其通則數項於左



一因脅迫爲我用之間諜其効力不多

二爲利欲自願來之間諜不可不充滿其慾望否則不特不爲我用  
乃反至爲敵用

三複間諜用法如得巧妙則有欺騙敵人之利

四間諜當未用之先須命探索我已知之事如報告果無虛僞即實行所訂之約以使之信我無疑如此數次試用我確悉其言行信實乃漸次服以緊要勤務爲要

五如探求之事件甚多欲速得確實報告則須分別任務派遣數人之間諜如要如欲將我所求之情報不令彼知則須將不緊要事件加諸該任務中亦爲至要如欲探求同一事件差遣間諜數人時宜不使各間諜互相會遇（各異其差遣時間及方向）並互知各爲間諜爲要

六如欲巧用間諜則最宜秘密雖在左右者不俾知爲間諜爲要  
七尋常間諜不宜下筆記命令惟意欲欺騙敵人或用複間諜等時  
則特與以筆記命令也

八對待間諜務宜警戒勿懈而外面尤須溫和懇篤不失其歡心以  
令彼樂爲我用若專用威嚴鮮有効力此最宜留意者也

九敵人間諜之舉動若爲我間諜所偵知須用詭計以愚之而令其  
回隊報告或誘之以縱反間之利

其四 間諜之報告

間諜歸來自稟告其所見聞是爲常例然因實地景況與間諜能力如  
何則可用各種記號以爲報告其例如左

駐軍時

一於預約地點燃燧煙（晝間）

二於預約地點焚烽火（夜間）

三在我軍可望見處開關房屋窗牖（晝間）

四轉移燈火由此處至彼處（夜間）

行軍時

一在路旁易於望見處砍削樹皮白之

二橋欄結繩等類

此等記號其爲簡易如其相約巧妙則關於敵軍之有無及其數目可得報達如意

通信由敵地來者用經由局外中立國之電信

間諜通過敵人前哨線時應秘密匿緊要之信書等茲將其法則約略開列於左

一縫入衣服中

二插入靴底

三插足指間

四捲入紙煙裏面

五用攝影術縮寫極小信書收諸象皮管中大如豌豆更塗以蠟然後以此匿入頭髮或耳孔中臨危急際即咽吞之

其餘各法用暗號以發送信書如在要塞被圍繞時則用通信鴿軍用犬或飛機誘導氣球亦可

第二節 捕虜投降人及敵人遺棄戰場傷者之訊問

訊問俘虜投降者及受傷者如因彼之言不實則與其以威嚴待之莫若以寬和待之爲善訊問者如能操敵國言語訊問變爲談話由此可得探知要件最爲便利然而在談話之際須始終注視於被訊問者俾其不能欺我爲要雖其秘不欲言之事猶且明白直陳此又關於訊問

者之伎倆大凡應訊問事件因被訊問者俾其不能欺我爲要雖其秘不欲言之事猶且明白直陳此又關於訊問者之伎倆大凡應訊問事件因被訊問者位置兵種智愚等而異但被訊問如有多人則須各別訊問以照對其應答爲要普通應訊問之件如左

一 所屬部隊及所連繫之他部隊 知此可以知敵軍之兵力及部署

二 高等指揮官之姓名及所在地 知此可得推知用兵上籌畫與敵軍行動之大略

三 前夜之宿營 此可洞知敵軍運動情況

四 行軍之狀態 能推知敵軍行動遲速及帥兵整齊否

五 士氣之振否

六 最後所受命令

七關於將來運動所受命令或關於風聞各語

八子彈糧食及一切軍需品之多寡

九給養之豐約

十病傷者之多寡

十一行進方向

十二縱隊之編成

究問俘虜及投降者必須由其就縛及來投時即時各別拘置否則彼等多虛偽之應答不可不戒也凡於激戰中被捕或逃脫之哨兵等此時所存恐怖心最大如乘斯時急速詰之則彼不遑深慮隨問隨答無敢或隱是爲恆例此外待俘虜過於嚴厲則不盡所答亦爲常事至待投降者尤屬不宜惟告以不肯直答即送還敵軍可也

### 第三節 居民及行旅之訊問

其一 應訊問之各件

就鄉董學校教習僧道車夫御者及其餘豪族等應訊問各事項如左

一 駐留其地附近敵軍之多寡位置兵種等

二 通過其地軍隊之多寡兵種服裝及其疲勞之狀態

三 於其地由敵人所訊問事項

四 敵人有無派遣偵探於其地

就旅客應訊問事項如左

一 於其所通過之地有無敵人軍隊

二 如有敵軍其兵數及兵種如何

三 其所通過道路景况及左右村落之景况

四 該市街民人與敵兵之關係

其二 關於訊問應注意各件

凡吾所訊問事項常由受訊居民或行旅遞傳他處致漏洩於敵軍故宜小心熟慮以防此患爲要如訊問法不合宜則不特不能達我目的即應答之間不知不覺至將己之籌策由此洩彼故當訊問時不可不極臻巧妙且大加檢點也若於敵地行訊問或究問形跡可疑之人時尤然蓋在訊問之際將其人品地位職業務須比較對照且須常注意其容貌洞查其懷抱爲要凡行旅及居民之情報未必精確卽如兵數一項常四倍乃至六倍於實額以答是爲常例是未必故意虛捏而常人各自之觀察常失於過大故也

我所訊問居民及行旅者如認爲有利益於我時須送於高等司令部又於我所訊問事件恐其洩漏則一時拘留亦無妨也

### 第三節 書類之掠奪檢査

在敵國如奪公私文書則可得知緊要事件故軍隊入敵境卽迅速掠



取左例之項

一 報紙

二 郵政局電信局及公私郵件所存之信書並符號紙

三公署中各種文書


四 輕氣球通信鴿軍用犬所帶各種文書

就中官廳稅關鐵路局郵務局電信局等各項公署宜派遣若干兵丁速佔領之禁止各人出入以點檢存置文書若兵數寡少不能悉行佔領則封其門戶吩咐居民護守且示以凡行破壞者嚴行懲辦等語然後由最要處開始挨次點檢其文書而沒收之


騎兵野外勤務

三六八


騎兵野外勤務下卷終



圖二即作為重要時應將高城等獨立編共之例



圖一即作為重要時應將高城等獨立編共之例



民國二十年一月

中央陸軍軍官學校印

陸軍印刷所承印

